

WESTSTAR

KONTRAKTOR UTAMA STARSTREAK

» *Syarikat bekal sistem pertahanan udara kepada Kementerian Pertahanan*

Oleh Che Wan Badrul Alias
chewan@bh.com.my

Weststar Group dilantik sebagai kontraktor utama bagi pembelian teknologi termaju sistem Sistem Pertahanan Udara Jarak Pendek STARStreak (VSHORAD) milik Thales Air Defense Ltd (Thales) UK untuk Kementerian Pertahanan (MINDEF) Malaysia.

Sistem STARStreak direka dengan standard tertinggi bagi menyediakan keupayaan pengesanan, penghapusan ancaman, penetapan senjata dan

jarak serangan ancaman dipertingkatkan yang relevan dengan pesawat, helikopter, peluru berpandu serta pesawat tanpa pemandu.

Naik taraf sistem

Pengarah Urusan Weststar Group, Tan Sri Syed Azman Syed Ibrahim, berkata perjanjian itu meliputi langkah MINDEF menaik taraf sistem pertahanan peluru berpandu sedia ada dengan memanfaatkan peluang menggantikan peluru berpandu Starburst kepada spesifikasi lebih tinggi pada peluru pandu STARStreak.

Selain itu, katanya, industri pertahanan negara turut beroleh manfaat menerusi program timbal balas yang ditawarkan Thales.

Beliau berkata, ini termasuk pertukaran teknologi dalam perkakasan dan aplikasi perisian yang sejajar dengan sistem dan bidang berkaitannya, pakej latihan operator serta pembangunan kemahiran penyelenggaraan sistem.

"Sistem ini diperoleh menerusi program tukar-beli yang

menamatkan sistem peluru berpandu Starburst dan penghantaran sistem pertahanan udara bersepadu itu didatangkan dalam pakej lengkap meliputi radar pemantauan udara/radar serangan, sistem arahan dan kawalan.

"Hasilnya, MINDEF memperoleh penjimatan ketara dalam proses pemilikan sistem termaju ini dan ia memberi negara

“**Sistem ini diperoleh menerusi program tukar-beli yang menamatkan sistem peluru berpandu Starburst dan penghantaran sistem pertahanan udara bersepadu itu didatangkan dalam pakej lengkap**”

Syed Azman Syed Ibrahim,
Pengarah Urusan
Weststar Group

kelebihan meningkatkan tahap pertahanan udara negara secara menyeluruh,” katanya menerusi kenyataan di Kuala Lumpur, semalam.

Penyerahan kontrak

Penyerahan kontrak itu disaksikan oleh Menteri Pertahanan, Datuk Seri Hishammuddin Hussein dan Menteri Negara United Kingdom bagi Perolehan Pertahanan, Philip Dunne.

Thales adalah antara pengeluar peluru berpandu jarak dekat generasi baharu terpentas dalam industri yang mampu mencapai ledakan kelajuan melebihi tiga kali kelajuan bunyi atau Mach 3.

Peluru berpandu itu mampu terbang sejauh satu kilometer dalam sesaat dan ketepatan sasarannya dipertingkatkan sistem pandu penjejak laser bagi mengurangkan risiko kerosakan koleteral dan keupayaan operator mengawal tiga peluru serentak.

Syed Azman (dua dari kanan) menyerahkan kontrak kepada Ketua Setiausaha Kementerian Pertahanan, Datuk Seri Abdul Rahim Mohamad Radzi sambil disaksikan Hishammuddin (tengah) dan Dunne (dua dari kiri) di Kuala Lumpur.

